



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XCVI. Episcopis, & Generalibus Ord. præcipitur ut bis in anno commendari
curent necessitates Terræ Sanctæ.

[urn:nbn:de:hbz:466:1-74708](#)

rant se prædictis literis
paruisse qui
buscumque
contrariis
non obstantibus.
Transumpto-
rum fides.

Dat. 2. Nov.
1675. An. 6.

1675.
Dat. 18. Oct.
1675. An. 6.

Datum Romæ apud S. Mariam Majorem sub
Annulo Piscatoris die 18. Octob. 1675. Pontificatus
nostræ Anno Sexto.

I. G. Slusius.

*Registrata in Secretar. Brevium in lib. Mensis
Octobris par. 1. fol. 291.*

XCVI.

Confirmatio, & innovatio Brevis Urbani VIII.
ab Innocentio X. confirmati, quo mandatur
Ordinariis locorum, & Generalibus Ordinum,
ut saltē bis in anno necessitates Sacr. Monu-
mentorum Terra Sanctæ Populo commendari
current &c.

C L E M E N S P A P A X.

Ad futuram rei memoriam.

Exordium.

S'Alvatoris, & D. Nostræ Jesu Christi, qui pro
humanæ generis redēptione se ipsum exi-
nanivit, factus obediens usque ad mortem, vi-
ces (licet immeriti) gerentes in Terris, inter
multiplices, gravissimasque Apostolica servitu-
tis curas, in ea præcipue pastoralis sollicitudini-
nis vigilantia incumbimus, ut tanti, & tan-
sabibris Mysterii monumenta, quæ in Civitate
Hierusalem, & locis circumvicinis sunt, con-
serventur, & omni qua fieri poterit majori ho-
norificientia recolantur.

§. 1. Cum itaque fel. rec. Urbano PP. VIII.
prædecessori nostro, alias expoſito, quod Ec-
clesiæ, & alia loca pia in Civitate Hierusalem,
& aliis locis Terra Sanctæ existentia fere dirata
erant, & quæ adhuc ibi exiſtebant Monasteria
ære alieno ob impian Turcarum, Hæreticorum,
& Schismatricorum Tyrannidem, & pro S. Fidei
Catholicæ in eisdem locis conservatione contra-
cto admodum gravata reperiebantur. Idem Ur-
banus prædec. Patriarchi, Archiepiscopi, Episco-
pi, & aliis locorum Ordinariis, necnon omnibus,
& singulis quorumvis Ordinum, & Congrega-
tionum, & Institutorum Regularium Generali-
bus commiserit, & mandaverit, ut ad minus
duobus vicibus quolibet anno, Adventus, &
Quadragesimæ temporibus tam per Verbi Dei
prædicatores in suis sacris Concionibus, quam in
actionibus, & functionibus publicis eorumdem
Sacrorum Monumentorum Populo proponi, &
commendari curarent, & facerent, & alias prout
in eisdem Urbani prædecessoris literis defuper
in simili forma Brevis die 3. Februar. 1634. ex-
peditis, quarum tenore præsentibus pro plene,
& sufficienter expresso, & inserto haberi volumus,
uberius continetur.

§. 2. Et sicut pro parte dilecti filii Ludovici
Mimeur Ordinis Fratrum Minorum Sancti Fran-
cisci de Observantia nuncupatorum professoris,
pro Gallia Commissarii Generalis ejusdem Ter-
rae Sanctæ nobis nuper expositum fuit, ipse
quo præfata Urbani prædecessoris literæ, quæ
a rec. me. Innocentio PP. X. prædecessore pa-
riter nostro confirmatae fuerunt, exactius obser-
ventur, illas per nos pariter confirmari, & inno-
vari desidereret: Nos eorumdem Sacrorum Mo-
numentorum conservationi, & manutentioni
consulere volentes de Venerabilium Fratrum
nostrorum S. R. E. Cardinalium negotiis Propa-
ganda fidei præpositorum consilio, prædictas
Urbani prædecessoris literas Apostolica auctorita-
tate tenore præsentium confirmamus pariter, &
approbamus, illasque innovamus, & observari
mandamus.

§. 3. Volumus autem, ut Patriarchæ, Ar-
chiepiscopi, & Episcopi in relatione status sua-
rum Ecclesiæ, quando visitabunt limina
Apostolorum facienda referant, se prædictis Ur-
bani prædecessoris, & præsentibus literis nostris

paruisse, contrariis non obstantibus quibuscum-
que.

§. 4. Volumus insuper ut earumdem præsen-
tium transumptis, etiam impressis manu aliqui-
jus Notarii publici subscriptis, & sigillo persona
in Ecclesiastica dignitate constituta munitis, ea-
dem prorsus fides, tam in judicio, quam extra
adhibeatur, quæ adhiberetur ipsis præsentibus si
forent exhibita, vel ostensa.

Datum Romæ apud S. Mariam Majorem sub
Annulo Piscatoris die 2. Novembris 1675. Pontifi-
catus nostræ Anno sexto.

I. G. Slusius.

*Regist. in Secret. Brevium in lib. mensis Novem-
bris par. utraque fol. 25.*

Beatificatio novendecim Servorum Dei Martyrum
Gorcomiensium nuncupatorum.

C L E M E N S P A P A X.

Ad perpetuam rei memoriam.

Sanctorum Martyrum, quos a charitate Christi
non tribulatio, non angustia, non famæ,
non nuditas, non periculum, non persecutio,
non gladius separavit, sed fidei, dilectionisque
vigor inter cruciatum certamina, Agonotheta
Christo adjuvante, victores praestitit, & consum-
mato passionis cursu ad cœlestis corone gloriam
eexit, agones, & Triumphos in Sancta Dei Ec-
clesia celebrati, ac condignis laudum præconiis,
atque venerationis honoribus decorari decet:
ut qui Sanguinis sui pretio immortalitatem eme-
runt, illustriaque invictæ virtutis suæ exempla
reliquerunt, de nostra sint solicii, qui de sua
sunt salute fecuri, & pia potentia apud Impera-
torem nostrum, qui in fortissimorum pugilum
suum honoribus honoratur, & cui ipsi in stolis
candidis die, ac nocte serviunt in templo ejus,
intercessione, imbecillitatibz nostræ inter saeculi
tentationes laboranti cœlestis gratia munera im-
petrent, quibus, & nos rectum vitæ cursum te-
nere, & propositum nobis æternæ beatitudinis
bravium consequi mereamur.

§. 1. In hanc nos curam ex debito pastoralis
officii, quod infirmatæ nostræ creditit divina
dignatio propensis studiis incumbentes flagitan-
tia id ipsum Christifideliu[m] vota ad exauditionis
gratiam libenter admittimus, sicut ad gloriam
Omnipotens Dei, ad exaltationem Catholicæ
fidei, spiritualemque fidelium consolationem,
atque ædificationem salubriter in Domino expe-
dire arbitramur.

§. 2. Cum itaque maturè diligenterque dis-
cussi, & propensi fuerint per Congregationem
Venerabilium Fratrum nostrorum S. R. E. Car-
dinalem Sacris Ritibus præpositorum Procesus
de hujus S. Sedis Apostolica licentia confecti su-
per Martyrio, & Causa Martyrii novendecim
Dei Servorum Gorcomiensium nuncupatorum,
undecim quidem Ordinis fratrum Minorum
S. Francisci de Observantia nuncupatorum, vi-
delicet Nicolai Pichi Gorcomensis Guardiani,
Hieronymi Werdani Vicarii, Theodorici Emdeni
Amersfortii, Nicasi Joannis Hezii, Willehadi
Dani, Godefridi Merzellani, Antonii Werdanii,
Antonii Hornariensis, Francisci Rodii Bru-
xellensis Sacerdotum, & Petri Afcani, ac Cor-
nelii Wicani laicorum, & aliorum octo, nempe
Joannis Sacerdotis Ord. Prædicatorum, & Adua-
ni Becani, & Jacobi Lacopii Aldenardensis ambo-
rum Ordinis Præmonstratensis, & Joannis Of-
serwicani Canonici Regularis Ordinis S. Augu-
stini, ac Leonardi Vechelii Buscoducensis, Ni-
colai Popelii Weldani, Godefridi Dunei Gor-
comensis, & Andreæ Walteri Sacerdotum, &
Parochorum Secularium, qui omnes simul in

XCVII.

Exordium.

Vota fide-
lium.

Resolutio
Congrega-
tions SS.
Rituum.